



Dyma'r pecyn gwybodaeth ar gyfer swydd:
Gweinyddwr Prosiect, Troed yn y Drws

Mae'r wybodaeth ganlynol yn cael ei darparu i'ch cynorthwyo gyda'ch cais. Cewch fwy o wybodaeth am Ffilm Cymru fan yma:
www.ffilmcymruwales.com

Cynnwys

Amrywiaeth, Cynhwysiant a Chymorth Mynediad	2
Y Swydd.....	3
Ffilm Cymru Wales.....	6
Diagram Staffio'r Prosiect	9

Amrywiaeth, Cynhwysiant a Chymorth Mynediad

Credwn mewn sector sy'n gweithio i bawb ac mae gennym angerdd am ehangu mynediad i'r sector sgrin.

Mynediad, Amrywiaeth a Chynhwysiant

Byddwn yn cynnig cyfweiliad awtomatig i bob ymgeisydd sy'n bodloni Meini Prawf Sylfaenol y rôl ac sy'n ystyried eu hunain yn Bobl o'r Mwyafrif Byd-eang, yn Ddu, Asiaidd neu o Leiafrif Ethnig, neu'n F/fyddar, yn drwm eu clyw, yn Anabl neu'n niwroamrywiol.

I ymgeiswyr sydd â gofynion mynediad, er enghraifft unigolion sy'n F/fyddar, trwm eu clyw, Anabl, niwroamrywiol, a phobl sydd wedi colli'u golwg, mae cymorth ar gael i gyflwyno cais.

Cysylltwch â ni i roi gwybod sut y gallwn helpu. Er enghraifft, gallwn dalu am gostau dehonglydd BSL ar gyfer cyfarfod gyda ni cyn gwneud cais, neu gymorth ysgrifennu i ymgeiswyr dyslecsig. Neu gallwn gytuno ar fformatau eraill i chi gyflwyno cais. Cawn ein harwain gennych chi.

Cysylltwch â Siobhan@ffilmcymruwales.com i drafod eich gofynion ymlaen llaw cyn cyflwyno cais.

Rhannu Swydd a Gweithio Hyblyg

Rydym yn agored iawn i gynigion i rannu swydd a gweithio'n hyblyg. Rhowch fanylion eich cynnig i rannu swydd neu i weithio'n hyblyg yn eich llythyr eglurhaol, os yw'n berthnasol.



We stand in solidarity
to say **NO** to racism
and commit to a
#ZeroRacismWales

DO YOU?

Sign our policy today.
www.zeroracismwales.co.uk

Y Swydd

Gweinyddwr Prosiect, Troed yn y Drws

- Adran:** Datblygu, Cynhyrchu a Sgiliau
- Swydd:** Gweinyddwr Prosiect, Amser Llawn, Cyfnod Penodol (posibilrwydd o rannu swydd)
- Yn adrodd i:** Rheolwr Prosiect
- Lleoliad:** Cymru. Sylfaen y Prosiect: Sir Casnewydd, gyda mynediad i swyddfa Ffilm Cymru yng Nghaerdydd. Cyfuniad o weithio o bell ac wyneb yn wyneb yw'r disgwyl.
- Dyddiadau'r cyfweiliadau:** 14eg, 15fed a'r 16eg Rhagfyr (cadarnhewch ar eich ffurflen gais os na allwch ddod i unrhyw un o'r dyddiadau hyn) a byddant yn cael eu cynnal ar-lein
- Cyfnod:** Ionawr 2022 – 30ain Mehefin 2022
- Cyflog:** £25,000 y flwyddyn pro rata a chyfnod penodol hyd 30ain Mehefin 2022, ynghyd â phensiwn a 28 diwrnod o wyliau yn ogystal a Gwyliau Cyhoeddus.
- Sut i wneud cais:** Anfonwch CV a llythyr eglurhaol i footinthedoor@ffilmcymruwales.com yn amlinellu pryd rydych ar gael a'ch profiad a'ch sgiliau yn erbyn yr hyn sydd wedi'i amlinellu yn y fanyleb hon oni bai ein bod wedi cytuno ar fformat gwahanol i'r cais i gynorthwyo mynediad.

Dyddiad cau: Dydd Iau 9fed Rhagfyr am hanner dydd.

Rôl y Gweinyddwr Prosiect

Mae Ffilm Cymru yn edrych am weinyddwr profiadol a threfnus sy'n dangos menter ac sy'n rhoi sylw mawr i fanylion. Bydd y rôl yn darparu cymorth gweinyddol i hwyluso ein prosiect Troed yn

y Drws, gyda chymorth Cronfa Adnewyddu Cymunedol y DU, i redeg yn llyfn ac effeithlon.

Mae'r Gweinyddwr Prosiect yn rôl bwysig yn nhîm y prosiect, a bydd yn gweithio gyda'r Cydlynedd Prosiect, y Rheolwr Prosiect a'r Rheolwr Partneriaeth i sicrhau bod y prosiect yn cael ei weinyddu'n effeithiol.

Cyfrifoldebau Allweddol

- Bod yn bwynt cyswllt cyntaf i ymdrin ag ymholiadau i'r prosiect, ymdrin ag ymholiadau cyffredinol a chyfeirio unigolion at y wybodaeth briodol ar-lein, neu at y partneriaid neu'r aelodau staff priodol.
- Adrodd i'r Rheolwr Prosiect fel rhan o dîm prosiect Cronfa Adfywio Cymunedol y DU, gan ddarparu cymorth gweinyddol cyffredinol iddynt.
- Darparu cymorth prosiect, cydgrynhoi tystiolaeth i gyllidwyr gan gynnwys taflenni amser, a thrafod a threfnu cyfarfodydd gyda staff â chontractwyr.
- Rheoli dyddiaduron ac amserlenni gweithgarwch y prosiect.
- Ffeilio deunyddiau a chofnodi gwybodaeth ar y cyd â'r prosiect gan ddefnyddio Microsoft Teams.
- Cydgrynhoi data yn ymwneud â gweithgarwch adrannol, yn benodol cynnal ein system monitro amrywiaeth.
- Trefnu cyfarfodydd a chyfweliadau, archebu ystafelloedd a thrafod gyda'r aelodau staff gofynnol, gan sicrhau bod ganddynt yr holl ddeunyddiau gofynnol;
- Cadw cofnodion mewn cyfarfodydd tîm, ac anfon y cofnodion i'r Rheolwr Prosiect i'w llofnodi;
- Gwaith gweinyddu'n ymwneud â digwyddiadau, gan gynnwys tracio a phrosesu taliadau anfonebau, cofrestru gweithwyr llawrydd ac archebu lleoliadau, teithio a llety.

- Prawfddarllen dogfennau cynlluniau neu adroddiadau i'r adran.
- Y gallu i weithredu a chynnal systemau ffeilio ar-lein.
- Diweddarau adroddiadau sy'n ofynnol gan ein cyllidwyr, a chydgrynhoi adroddiadau o sefydliadau partner.
- Creu arolygon gan ddefnyddio SurveyMonkey i gydgrynhoi data cyfranogwyr gan gynnwys ffurflenni cais, ffurflenni Monitro Amrywiaeth a chamau casglu data eraill yn ôl y gofyn.
- Unrhyw ddyletswyddau eraill y gellid eu dirprwyo'n rhesymol gan eich rheolwr llinell.

Gofynion Sylfaenol y Rôl

- Aelod gwych o dîm ond yn gallu gweithio ar eich menter eich hun.
- Profiad o weinyddu ar gyfer prosiectau.
- Sgiliau gweinyddol, trefnu, cyfathrebu ac ymarferol rhagorol a'r gallu i weithio'n unol â therfynau amser ac o dan bwysau – mae'r gallu i roi sylw i fanylion a chywirdeb yn hanfodol;
- Proffesiynol a chwrtais;
- Gwybodaeth am reoliadau diogelu data a rheoli data.

Dymunol

- Mae gwybodaeth amy sector sgrin yn ddefnyddiol ond nid yn hanfodol
- Rhuglder yn y Gymraeg (yn ysgrifenedig ac ar lafar)
- Profiad o gefnogi cyfarfodydd ar-lein drwy Teams / Zoom a gweinyddu digwyddiadau

- Dealltwriaeth sylfaenol o'r dirwedd sgiliau a hyfforddiant a phronesis hyfforddiant a sgiliau ffurfiol.

Gweithgarwch prosiect Troed yn y Drws i'r dyfodol: Hoffem roi gwybod i ddarpar ymgeiswyr mai ein huchelgais, sy'n ddibynol ar gais llwyddiannus am gyllid a gaiff ei gyflwyno yn 2022, yw parhau i ehangu'r prosiect hwn am dair blynedd arall hyd 2025, ond nid ydym mewn sefyllfa i gadarnhau ar hyn o bryd.

Nodwch yn eich cais os hoffech chi hefyd gael eich ystyried ar gyfer swyddi sgiliau a hyfforddiant eraill a allai godi yn Ffilm Cymru o bryd i'w gilydd ac a ydych yn rhoi cydsyniad i ni barhau i gadw eich manylion, am ddwy flynedd, at y diben hwnnw.

I gael gwybodaeth am sut mae Ffilm Cymru yn prosesu data ymgeiswyr, gweler ein Polisi Preifatrwydd.

Ffilm Cymru Wales

Ffilm Cymru yw'r asiantaeth ddatblygu ar gyfer ffilmiau yng Nghymru ac rydym wedi ymrwymo i hybu sector ffyniannus y gallwn oll fod yn falch o ddweud ei bod yn perthyn i ni. Dyma sut y gwnawn hyn:

- Gweithio gyda phartneriaid i hybu safle byd ffilm yng Nghymru a thu hwnt
- Creu amgylchedd lle gall ffyrdd o weithio sy'n fwy cynhwysol, arloesol a gwyrdd gael eu profi, eu hintegreiddio a'u rhannu
- Hwyluso i bobl o bob oedran a gallu ddysgu'n greadigol
- Datblygu gweithlu sgrin i'r dyfodol drwy amryw raglenni hyfforddiant
- Buddsoddi mewn ffilmiau anarferol a rhai sy'n cymryd risgiau a'u gwneuthurwyr o gam cynnar
- Cynnig profiadau sinematig cyffrous i gynulleidfaoedd ar hyd a lled Cymru

Rydym yn rheoli arian y loteri genedlaethol ar ran Cyngor Celfyddydau Cymru a'r Sefydliad Ffilm Prydeinig, yn ogystal â chodi a rheoli arian pellach o Gronfa Adfywio Cymunedol y Deyrnas Unedig. Mae ein gwaith yn mapio'n agos i Raglen Lywodraethu Cymru, a Deddf Llesiant Cenedlaethau'r Dyfodol yn benodol, oherwydd y cymysgedd creadigol, economaidd a diwylliannol sydd i'n sector.

Sefydlwyd Ffilm Cymru yn 2006 ac mae'n Gwmni Buddiannau Cymunedol. Yn 2018 fe lansiom ein Cynllun Strategol 2018 - 2024, sydd i'w weld fan yma.

Foot In The Door

Mae ein rhaglen Troed yn y Drws, a sefydlwyd yn 2016, yn gweithio gyda phartneriaid, gan gynnwys Cymdeithasau Tai, awdurdodau lleol a chanolfannau gwaith, i gysylltu pobl na fyddai efallai'n meddwl bod gyrfa ym myd ffilm yn briodol iddyn nhw â rhwydweithiau, gwybodaeth a chyfleoedd gwaith yn y diwydiannau sgrin.

Rydym yn gweithio gyda chymunedau a darparwyr addysg a hyfforddiant i ganfod a chreu cyfleoedd lleol i ddysgu a throsglwyddo sgiliau gwerthfawr fel gwaith saer, gwisgoedd, trin gwallt a choluro ar setiau cynyrchiadau ffilm a theledu yng Nghymru.

Mae ein rhaglen yn canolbwyntio ar wella cynhwysiant economaidd fel ffordd i hybu cyfranogiad ehangach yn y sector. Mae Troed yn y Drws yn cynnig cymorth bugeiliol cyflawn, gan gynnwys mynediad i fwrsariaethau i dalu am gludiant a gofal plant, a bwrsariaethau datblygu i dalu am offer a chyrsgiau i ehangu gwybodaeth a chyfleoedd i'r hyfforddeion. Rydym hefyd yn gweithio gyda phartneriaid cynhyrchu yn y diwydiant i

ddeall eu hanghenion a chynorthwyo sefydliadau i ddatblygu arferion cynhwysol ymhellach.

I gael mwy o wybodaeth am Ffilm Cymru Wales a Throed yn y Drws, gweler ein gwefan a'n Hadroddiadau Blynyddol.

Caiff y prosiect hwn ei ariannu gan Lywodraeth y DU drwy Gronfa Adfywio Cymunedol y DU.

Mae Cronfa Adfywio Cymunedol y DU yn un o raglenni Llywodraeth y DU ar gyfer 2021/22. Ei nod yw cynorthwyo pobl a chymunedau mwyaf eu hangen yn y DU i beilota rhaglenni a dulliau newydd i baratoi ar gyfer Cronfa Ffyniant Gyffredin y DU. Mae'n buddsoddi mewn sgiliau, yn gymuned ac mewn lleoedd, ac mewn busnesau lleol, ac yn cynorthwyo pobl i mewn i waith. I gael mwy o wybodaeth, ewch i'w gwefan fan yma.



UK Government
Llywodraeth y DU

Diagram Staffio'r Prosiect

